

# OKVIRNI SPORAZUM USLUGA OGLAŠAVANJA U DNEVNIM NOVINAMA NA SRPSKOM JEZIKU

## ISPORAZUMNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Naručilac**), ID broj: 4200665390008 i
2. **NIGD DNEVNE NEZAVISNE NOVINE** d.o.o., ul. Braće Pišteljić br. 1, 78000 Banja Luka, koju zastupa direktor, Neven Kopanja, (u daljnjem tekstu: **Isporučilac**), ID broj: 4400848860002.

U daljnjem tekstu Sporazuma, kada se Naručilac i Isporučilac navode zajednički, tj. zbirno, tada su označeni kao "**Sporazumne strane**".

## II OSNOV ZA ZAKLJUČENJE SPORAZUMA

### Član 1.

Osnov za zaključenje ovog Okvirnog sporazuma je Ponuda Isporučioca, broj: 01-177/24 od 18.03.2024. godine i Odluka o izboru za nabavku usluge, Naručioca, broj: 06-11-187-6.2/24 od 25.03.2024. godine.

## III PREDMET SPORAZUMA

### Član 2.

Predmet ovog Okvirnog sporazuma je usluga oglašavanja u dnevnim novinama na srpskom jeziku.

Tokom trajanja ovog Okvirnog sporazuma, Sporazumne strane se obavezuju na zaključivanje pojedinačnih ugovora, na način utvrđen u tenderskoj dokumentaciji, ponudi Prodavca i u skladu sa svim važećim propisima koji regulišu ovu oblast.

## IV CIJENA I NAČIN PLAĆANJA

### Član 3.

Ukupna vrijednost ugovorene robe bez PDV-a definisane u članu 1. ovog Ugovora iznosi: 2.690,00 KM (slovima: dvijehiljadešeststotinadevedeset KM).

PDV na ukupnu vrijednost ugovorene robe iz stava (1) ovog člana iznosi 457,30 (slovima: četiristotinepedesetsedam i 30/100 KM).

Ukupna vrijednost ugovorene robe sa PDV-om iznosi 3.147,30 (slovima: trihiljadestotinučetdesetsedam i 30/100 KM).

Ukupna plaćanja po osnovu svih pojedinačnih ugovora zaključenih po ovom Okvirnom sporazumu ne mogu prelaziti iznos iz stava (1) ovog člana.

#### **Član 4.**

Isporučilac se obavezuje na nepromjenljivost cijena iz zaključenog Okvirnog sporazuma tokom sporazumnog perioda.

#### **Član 5.**

Naručilac će tokom trajanja ovog Okvirnog sporazuma za naručene oglase izvršiti plaćanje Isporučiocu po ispostavljenim fakturama, u roku od 10 (deset) dana od dana prijema računa i to uplatom na račun, broj: 555-007-00032075-62, otvoren kod Nova banka a.d. Banja Luka, a u skladu sa zaključenim pojedinačnim ugovorima iz člana 2. stav (2) ovog Okvirnog sporazuma.

### **V OBAVEZE NARUČIOCA USLUGE**

#### **Član 6.**

Naručilac se obavezuje da dostavi tekst oglasa Isporučiocu najkasnije pet dana prije objavljivanja istog, putem elektronske pošte.

Nakon dostavljenog predračuna od strane Isporučioca, Naručilac se obavezuje da će Isporučiocu dostaviti narudžbenicu zajedno sa pojedinačnim ugovorom, a u skladu sa članom 2. stav (2) ovog Okvirnog sporazuma.

Naručilac je dužan da eventualne primjedbe na objavljeni tekst oglasa dostavi u elektronskoj formi Isporučiocu, i to u roku od dva dana od dana objave teksta oglasa u dnevnim novinama.

### **VI OBAVEZE ISPORUČIOCA USLUGE**

#### **Član 7.**

Po dostavljenom tekstu oglasa od strane Naručioca iz člana 6. stav (1) ovog Okvirnog sporazuma, Isporučilac je dužan izdati predračun, koji se smatra ponudom za zaključenje pojedinačnog ugovora.

#### **Član 8.**

Isporučilac se obavezuje da će na zahtjev Naručioca izvršiti usluge oglašavanja u dnevnim novinama na dan koji će biti određen u pojedinačnom ugovoru iz člana 2. stav (2) ovog Okvirnog sporazuma.

Isporučilac se obavezuje da će objavljeni tekst oglasa odgovarati standardnom kvalitetu printanog izdanja u kojem se zakupljuje oglasni prostor, kao i da će dostavljeni tekst oglasa biti tehnički ispravan i prihvatljiv za printana izdanja dnevnih novina, s tim da Isporučilac zadržava pravo da prije objave oglasnog teksta isti prilagodi uz prethodno odobrenje Naručioca, vodeći računa da se ne mijenja sadržaj teksta oglasa, gdje će se sva korespondencija između Naručioca i Isporučioca obavljati putem elektronske pošte.

#### **Član 9.**

Isporučilac je dužan da u roku od dva dana od dana zaprimanja primjedbi iz člana 6. stav (3) ovog Okvirnog sporazuma objavi ispravku teksta oglasa o svom trošku.

Ukoliko Isporučilac ne objavi tekst oglasa na način kako je definisano u članu 8. ovog Okvirnog sporazuma, isti je dužan objaviti tekst oglasa u sljedećem broju dnevnih novina, također o svom trošku.

Za svako eventualno pomjerenje roka za izvršenje usluge iz člana 8. stav (1) ovog Okvirnog sporazuma, a prema zaključenom pojedinačnom ugovoru, Isporučilac je dužan putem elektronske pošte dostaviti obavještenje sa obrazloženjem zbog čega nije u mogućnosti na zahtijevani dan objaviti tekst oglasa, te informisati Naručioca da se objava javnog oglasa u dnevnim novinama pomjera za sljedeći broj dnevnih novina.

#### **Član 10.**

Isporučilac zadržava pravo da ne objavi tekst oglasa Naručioca ako tekst oglasa ne odgovara tehničkim standardima.

Isporučilac će odmah, a najkasnije u roku od 24 sata, obavijestiti Naručioca putem elektronske pošte da dostavljeni tekst oglasa ne odgovara tehničkim standardima i da nije u mogućnosti objaviti isti.

### **VII RASKID OKVIRNOG SPORAZUMA**

#### **Član 11.**

Sporazumne strane mogu jednostrano raskinuti ovaj Okvirni sporazum i prije njegove realizacije ukoliko se jedna od strana ne bude pridržavala njegovih odredbi, uz prethodno izmirenje svih obaveza utvrđenih po ovom Okvirnom sporazumu, odnosno zaključenom pojedinačnom ugovoru.

Jedna sporazumna strana je dužna obavijestiti drugu sporazumnu stranu pismenim putem o razlozima otkaza.

Otkazni rok iznosi 15 (slovima: petnaest) dana, a po isteku ovog roka, ovaj Okvirni sporazum se smatra raskinutim.

#### **Član 12.**

U slučaju da jedna Sporazumna strana ne može djelomično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu stranu i dostaviti dokaze o navedenom.

Viša sila su svi uzroci i događaji na koje Sporazumne strane ne mogu uticati, nisu ih mogle predvidjeti niti spriječiti.

Ako viša sila traje duži vremenski period, pa je time otežano ili onemogućeno ispunjavanje obaveza iz ovog Okvirnog sporazuma duže od 20 (slovima: dvadeset) dana, svaka od Sporazumnih strana može raskinuti ovaj Okvirni sporazum.

### **VIII PRIJELAZNE I ZAVRŠNE ODREDBE**

#### **Član 13.**

Isporučilac nema pravo zapošljavati, u svrhu izvršenja ovog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju sporazuma, odnosno od početka realizacije sporazuma.

#### **Član 14.**

Na ostala prava i obaveze Sporazumnih strana, koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima.

### Član 15.

Ovaj Okvirni sporazum se zaključuje na period od 24 (dvadesetčetiri) mjeseca od dana obostranog potpisivanja ili do vrijednosne realizacije Okvirnog sporazuma iz člana 3. stav (1) ovog Okvirnog sporazuma.

### Član 16.

Sporazumne strane su saglasne da će sve nesuglasice i sporove, koji eventualno mogu da proisteknu iz ovog Okvirnog sporazuma, prvenstveno nastojati riješiti sporazumno, a ukoliko to ne budu moguće, nadležan je Općinski sud u Sarajevu.

### Član 17.

Ovaj Okvirni sporazum je sačinjen u 5 (pet) istovjetnih primjeraka od kojih Naručilac zadržava 3 (tri), a Pružalac2 (dva) potpisana i ovjerena primjerka.

### Član 18.

Sporazumne strane su saglasne da su ovaj Okvirni sporazum pročitale i razumjele, te ga u znak saglasnosti potpisuju.

ZA ISPORUČIOCA  
NIGD D [redacted] NE NOVINE d.o.o.  
M.P.

Broj: 01-177/24  
U, 5. lica, D. 04.2024. godine

ZA NARUČIOCA  
[redacted]

Broj: 06-11-187-8.2/24  
Sarajevo, 11 04.2024. godine